



Broj: 12/08-23-14681-6/22
Zenica, 09.11.2022. godine

Na osnovu člana 70. i člana 89. Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-14681-5/22 od 07.11.2022. godine, u postupku javne nabavke po konkurentskom zahtjevu za dostavu ponuda za izvršenje usluga stručno-tehničkog nadzora na izvođenju radova „Izgradnja novog mosta preko rijeke Krivaje, dionica Podkamensko-Olovo na stacionaži 18+500,00 u naselju Boganovići, općina Olovo (R467 Podkamensko-Olovo)”, broj: 1417-7-2-73-3-52/22 od 13.10.2022. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona-Kantonalna direkcija za ceste, donosi:

ODLUKU

o izboru najpovoljnijeg ponuđača

I

U postupku javne nabavke po konkurentskom zahtjevu za usluge stručno-tehničkog nadzora na izvođenju radova „Izgradnja novog mosta preko rijeke Krivaje, dionica Podkamensko-Olovo na stacionaži 18+500,00 u naselju Boganovići, općina Olovo (R467 Podkamensko-Olovo)”, broj: 1417-7-2-73-3-52/22 od 13.10.2022. godine, ponuda ponuđača „AIK inženjering“ d.o.o. Banovići (broj: 94/22 od 26.10.2022. godine) sa ukupno ponuđenom cijenom od 8.990,00 KM (bez uračunatog PDV-a) izabrana je kao najpovoljnija.

II

U skladu sa tačkom 2.6. tenderske dokumentacije, ponuđač „AIK inženjering“ d.o.o. Banovići (ID broj: 4209074950001), adresa Begov Potok bb, Banovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 2.3 tenderske dokumentacije, i to u roku od 3 (tri) dana od dana zaprimanja Odluke o izboru najpovoljnijeg ponuđača.

III

Ponuda ponuđača Modus projekt“ d.o.o. Kakanj se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14) odbacuje, jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-14681/22 od 12.10.2022. godine. Javna nabavka provedena je po konkurentskom zahtjevu za radove u skladu sa članovima 87-89. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-7-2-73-3-52/22 objavljeno je na Portalu javnih nabavki 13.10.2022. godine.

Komisija za javne nabavke imenovana rješenjem broj: 12/08-23-14681-2/22 od 28.10.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristigle su ukupno 3 (tri) ponude.

U periodu od 01.11.2022. godine do 04.11.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "MODUS PROJEKT" d.o.o. Kakanj se odbacuje jer nije dostavljena u skladu sa uslovima iz tenderske dokumentacije.

Tačkom 2.4. Tenderske dokumentacije određeno je da "Kako bi dokazali da se na njih ne odnosi situacija iz tačke 2.3. podtačka a), b), c), i d), ponuđači trebaju dostaviti slijedeći dokaz: a) Izjavu o ispunjavanju uslova iz člana 45. stav (1) tačka od a) do d) Zakona o javnim nabavkama BiH na propisanom obrascu koji se nalazi u prilogu ovog konkurentskog zahtjeva - Aneks 4, a koju je dužan popuniti, potpisati i ovjeriti pečatom od strane notara ili nadležnog općinskog organa".

U ponudi ponuđača "MODUS PROJEKT" d.o.o. Kakanj ponuđač je na strani 10. dostavio Izjavu o ispunjenosti uvjeta iz člana 45. ZJN-a koju nije pravilno popunio u smislu da nije upisao mjesto i datum davanja izjave, a usljed čega se ne može odrediti starost Izjave u smislu ispunjavanja uslova iz tačke 2.4.a) Tenderske dokumentacije kojom je propisano da "Izjava se dostavlja u originalu ili ovjerenoj kopiji i ne može biti starija od 30 dana računajući od momenta predaje ponude".

Zbog navedenog ponuda ponuđača "MODUS PROJEKT" d.o.o. Kakanj se u skladu sa članom 68. Zakona o javnim nabavkama ("Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

U skladu sa tačkom 14. TD za ovaj postupak nije predviđeno provođenje e-aukcije, s obzirom da je riječ o uslugama koje za predmet imaju intelektualni rad, a koji se ne mogu rangirati pomoću automatskih metoda ocjene.

Tako, s obzirom na tačku 6. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	„AIK-INŽENJERING“ d.o.o. Banovići	8.990,00 KM	=0,00	8.990,00 KM
2.	„PPG“ d.o.o. Sarajevo	10.493,50 KM	=0,00	10.493,50 KM

Na osnovu sačinjene rang liste Komisija je jednoglasno predložila ugovornom organu da donese Odluku o izboru najpovoljnije ponude za ponuđača „AIK inženjering“ d.o.o. Banovići.

Ugovorni organ prihvatio je preporuku Komisije za javne nabavke da se najpovoljnijem ponuđaču, „AIK inženjering“ d.o.o. Banovići, dodijeli Okvirni sporazum za usluge stručno-tehničkog nadzora na izvođenju radova „Izgradnja novog mosta preko rijeke Krivaje, dionica Podkamensko-Olovo na stacionaži 18+500,00 u naselju Boganovići, općina Olovo (R467 Podkamensko-Olovo).

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 5 (pet) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

3 x svim ponuđačima,

1 x a/a



DIREKTOR
po ovlaštenju ministra
(Rasim Kovač)



SAGLASAN: ARNEL ISAK, ministar